


# KUHUPULA MULENA

 Ni itumezi, Muzwale Neville. Ki tabo hahulu kuba mo, Muzwale Neville, mi ni—ni kolo ya kuina mwa libaka za Mahalimu ze hape, ku Krete Jesu. Mi lipalo ha li si ka ni bilaeza, kamita za ni tabisanga. Mwa ziba, hahulu. . . Ni lukuluhanga hahulu ha Ni na ni sicaba se si likani, kakuli seo kona se Ni nahana kuli kona Keleke. Eehe, Nina ni Liñolo la seo, le li bulela kuli, “Musike mwa saba, Mutapi o munyinyani, ki tato ya—ya Ndata mina ku mifa Mubuso.” Mi Ni ka. . . wani ki Mutapi o likani o Ni bata ku yo balelwa ku ona ka lizazi lani, ona luli wa Na bulezi kuli, “Mu si ke mwa saba.” Mi lutabile hahulu ka lithohonolo la kutaha hamoho kwanu busihu boo.

<sup>2</sup> Mi ha Ni si ka taha ka mulelo wa ku to kutaza. Fa mizuzu fela yelikani yefitile kuna ni ya natile fa munyako, mi Na inge inzi mwa muzuzu wa kubalela, kuli ni itukiseze lika ni palo ye Ni bata ku itusisa cwale ona fa mwa mikopano yetaha ya kwa Phoenix ni Tucson, ni libaka zani. Mi Ne sni sweli kuba kufepiwa luli mwa Moya, mwa ziba, ka lika zende za Mulimu, kuama Mayendameno, ni tuto ka za *Mayendameno*. Mi musala ka ataha mi a ni bulelela kuli nekuna ni yana ti lo ni bona, mi Ne—Ne ni si ka li utwisisa hande, mi kasumulaho, kiñi, ali, “Kikuli u kaba kwa keleke busihu boo?”

<sup>3</sup> Mi se Nili, “Na sepa cwalo.” Mi Na zwelapili kulika kubeya moya ku sene Ni eza. Mi ki ha kuta ni kubulela kuli neli muuna ya kula yana taha ku to lapelelwa. Se nili, “Kihande, he, Ni kaya kwa keleke, nihakuli cwalo, mwabona, mi ki ku lapelela bakuli.” Na kamita, zeo ki. . . Mwa ziba, lika zeo ki. . . lu lukela kufita ku zona kapili mo ku konahalela sicaba ha si kula mi si tokwile. Ya kile akula kaufela wa ziba kuitumela ze talusa kufoliswa ka mata a foliso ya Mulimu. Mi nto yende cwalo yeo, ha ki lithohonolo ni leo.

<sup>4</sup> Cwale, ka la Sunda yetaha, haiba Mulena wa lata, Muzwale Neville mi hakuna ni yomukana wa bona yana ni sesiñwi sa butokwa, Ne ni hupula kuli la Sunda kakusasana Ni—Ni ka tisa liñusa laka la Kilisimasi kwa sicaba, kakuli ku ba tuhelela—ku ba lumeleza. . . Babañwi ba bona bazwa kwahule, mwa ziba, mi inge Georgia ni libaka zeshutana, mi zeo li ka ba tusa kukuta ka nako ku yo leka leka za Kilisimasi yabona ni lika zeñwi.

<sup>5</sup> Mi Billy a zwela fela fande a to ni bulelela, kwa bulela kezela ka, Delores, Sunda yetaha manzibwana sebelezo i si ka kalisa fela, una ni mufuta nyana wa—mufuta nyana wa limpo za banana, pulogilamu nyana fa ko ba lika kuya, mwa ziba, papali nyana ya Kilisimasi ye ba bata kubeya lisebelezo li si ka kalisa

kale. Mi se Nili, “Kihande, lani ikaba la Sunda manzibwana nji cwani?”

Ali, “Eeni.”

Se nili, “Zeo halina kulyanganisa ni hanyinyani, kanti.”

<sup>6</sup> Cwale, mwabona, la Bubeli ki buituki bwa Kilisimasi, mi haiba. . . kamba la Bubeli lelitatama, ki biki, ya Kilisimasi. Kacwalo seo si ka titihanya sicaba, mwa bona, mi ni kukuta kwa mahae l buitukiso bwa Kilisimasi, mi ni la Mubulo, kacwalo Na hupula kuli Ni ka. . . ehe, lisunda zepeli. Yeo ki niti, lisunda zepeli kona ze tokwahala. Kacwalo Ni hupuzi kuli mwendi Ni tahe busihu boo ku to lumeleza sicaba kuli si zibe, haiba Mulena wa lata, mi Muzwale Neville haana sika sa butokwa. Seo, Ni tabela kutisanga liñusa laka la Kilisimasi kwa keleke, ni liñusa la ka la Paseka, ni kaufela sa ka beya Mulena fa pilu yaka kuli ni fe kwa batu. Mi Sunda yetaha, haiba Mulena alata, Sunda yetaha kakusasana Ni fa. . .

<sup>7</sup> Mi libaka le Ni ka libeela kakusasana kufita kuba manzibwana, koo sicaba se si zwelela kwahule, ba be ni kuzamaya musihali kuli bakone kufita kwa ndu, mwa bona. Mi Na nikona kutabela kuba ni ona busihu, Ni sepa kuli manzibwana ikona kuba hande kwateni. Na—Na lata sebelezo ya manzibwana, lizazi ha li likela, nto yeñwi, nto isili. Neli Mulimu mwa simu ya Edeni, ku Adama, ya na tahanga ka nako ha se kubatile mwa manzibwana ku to ambola ni Adama. Mwabona, mi Na lata sebelezo ya manzibwana. Kono, mi mo kuinezi lika fa, kuli ikona kuba hande kuli ni be ni yona kakusasana, kuli batu bakone ku yo fita kwahule.

<sup>8</sup> Mi Ni itumezi kuli tabernakele isweli kuekezwa ona fa mwa sibaka se si tatama kufitelela nyana fo lu inzi fa, kube ni sibaka se situna se si ka ekezwa kuyona. Kasamulaho wa kuomana ni ku kakana, mafelelezo lwa ba ni sona kupale kumane. Mwa ziba, muunamuhulu Muzwale Bosworth na na ni lisheha hahulu, naize, “mbututu ya kona hahulu kulila ki yena ya tokomelwa hahuilu.” Kacwalo zeo kona ze tokwahala luli, mwa ziba, mi kacwalo Ni sepa sa lu tusa kulila ka ku tumusa nyana fa ni fa, nji cwani?

<sup>9</sup> Kacwalo, mi Ni bata kubulela ka za Muzwale Anthony ni balikani ba hae kwanu ka lipina zende zani. Na to kena fela mwahali ni ku utwa cwalo. Mi, mwa ziba, lilimba zeo ki litolombita. Ni batile iliñwi ya banake, mbweshwa alimuñwi, wa bona alizange tolombita, Na—Na. . . ni lilimba za kufuta zani.

<sup>10</sup> Becky na kalile fa piano, kono u sa li fela mwanana mwa bunca cwalo, mwa ziba, foo ki kuli, ubata ku tuhela cwale. Mi—mi na kalile. . . Muluti na bulezi kuli babata ku kala kulizanga lipina ze zibahala. Isiñi, cwale, Ha ni talusi. . . mwa ziba se Ni talusa, ka makalelo, ni zeñwi cwalo, za lipina ze pahami, fa kukona kuba ni lipina za bulapeli ku zona. Ha sa fitile fa hule

nyana mwa linepo zepahami ku zani, kipeto u nahana kuli, “Kihande, Ni ka itulela fela.” Mi Na—Na. . . banana bana ni butata. Mi, kube cwani kaufela, ilukela kuba pizo ya Mulimu, ka kukala. Na lumela kezela hae, Sarah, kwa mulaho kwani uka mu fita, mane, mi yena ali kuba abe ni lituto. Kacwalo, kacwalo he pizo ya Mulimu ki yende ha i filwe ka mpo yecwalo.

<sup>11</sup> Kono Na lata tolombita. Ni hupula ha ne ba neezi tabernakele ye fande fani mwa lilulu, litolombita mo ne li lilezi licika la musihali fande fani, “Kwa sifapano kwa na shwezi Mupulusi waka, kona kwani Na lila bakeñisa sibi saka, mi mwa pilu yaka Mali a lambiwa,” ha ne Ni kena mwa mukokolombwa kuliba fa licwe la mwa lilulu.

<sup>12</sup> Mi Na hupula busihu bulibuñwi kwa keleke ya Trinity Methodist, fani muuna muhulu Dokota Morrison. . . Buñata bwa mina sicaba babapilile mwa mazazi a aka mwa mu hupula Dokota Morrison, muuna ya tozizwe luli. Asbury u latehezwi ki muuna alimuñwi kuzwa fo ikalezi Asbury, fani ha ba latehelwa ki Dokota Morrison, kwa busupali bwa hae, muuna muhulu za bulapeli. Mi Ne ni tabela ku mu utwanga ha kutaza. Mi Na ya kuyena ku yo mu teezeza kwa keleke ya Trinity Methodist kwani. Mi busihu bwani, bashimani bababeli ba zwela fande mwa malibela nyana inge Na ni musala ka mo lukona kuzamaela, mi ne basweli litolombita zabona mwa halimu sina cwana, ni lilimba zani fani, mi ba li lizaka, “Fa sifapahano fana shwezi Mupulusi waka!” Sifapahano sesituna sani inge sibilwe fahalimu, inge si potoloha. Na yema fela mwa mukwakwa ni kunanula mazoho aka mwahalimu, na kala fela kulumba Mulimu ona fani. Ne ni palelwa kuitiisa.

<sup>13</sup> Kuna ni mufuta wa maikuto amañwi mwahala Mukreste ya pepilwe sinca, ha Li nyanganya, kuna ni se si lukela kuezahala, kona fela ze li teni ku zona. Oh, Ni. . . Hakuna nto yeswana ni Mukreste wa mufuta wa kale. Yeo ki niti. Ha ni koni kunga nto isili ya zona, kutwisiso yaka, haikoni ku cincana ni sifumu sa lifasi, kamba neba lifasi kaufela, kamba linaleli kaufela hamoho ni lizazi kukopanya hamoho, ku za ni lutile Jesu ka yena Luli.

<sup>14</sup> Kuna ni muuna yomuñwi yapila ni luna, nako kaufela ha ni talima kwa mulaho pilu yaka ya tulakanga. Ki muuna ye Ni bona inza ca mulalo, busihu bobuñwi, inge azamaya fa mulamu. Kana kuna ni yakile aku bulelela kuli ubonahala inge Oral Roberts? [Muzwale uli, “Kihande, muzwale, no bulezi cwalo, ona hane Ni kena mo cwale. Ni bile ni ku libelela kuli u lemuhe cwalo.”—Mu.] Na mi bulelela, nako kaufela ha Ni. . . Ki babakai. . . Mu boni fateni Oral Roberts, mane buñata bwa mina kaufela. Haiba ha bonahali sina Oral Roberts! Ne ni talimela fela kwa mulaho. Mi Ni—Ni sepa kuli ki muuna yomutuna nyana kufita Oral mwa inezi. Kono kotalima fela mwa kamunelanga milili ya hae, ni pata ya hae ni sibupeho sa hae, mi kamita ki mutu ya bonahala

kuipitela, hainzi mane i nge Oral. Mi kacwalo Na—Na kamita ni nahananga kuli, “Muzwale Oral?” U bonahala mane inge yena.

<sup>15</sup> Muzwale Oral u kalisa sikolo sa Bibeke kwani cwale, Na sepa, kamba nto yeñwi. Ne ni utwile ka zona zazi leliñwi. Ki sikamañi seo? [Muzwale Neville uli, “University.”—Mu.] University. Eeni. Muzwale Carl Williams ki alimuñwi wa mayemo a hae ku zona, ka mukwa omuñwi, Hani zibi fela kuli ki sikamañi cwale.

<sup>16</sup> Cwale, cwale muhupule, la Sunda, haiba Mulena alata, luka kalisa, Ni na ni Paseka . . . kamba liñusa la Kilisimasi. Mi cwale Ni—Ni itumezi ka tabernakele ye kalisizwe. Mi cwale Ni sepa kuli se hasina fela ku ekeza kwa nombolo, kono ikaba kekezo ya sishemo kuli Mulimu alumeleze kekeke yaluna, muzamao wa luna, ha . . . ki muzamao, kono kopano ya luna ye lu kopani hamoho. Lwa i lata.

<sup>17</sup> Mi—mi Ni tabela fela kubulela cwana. Hanina kusinya nako yeñata. Kono, Ni na ni zeñata ze Ni lukela kubulela, kono ha Ni na kueza cwalo, zakona ku lu sinyeza nako. Kono, Ni tabela kubulela cwana, ki sika se Ni sa koni kubulela. Kuna ni lika (mañi ni mañi wa utwisisa) zeo mwa li ziba, mi ki mwa Libizo la Mulena, ibo ha u koni ku li bulela. Mwa bona, mu lukela ku ipulukela zona. Mwabona? Kono taba yeñwi yesweli kuezahala, mi ibile cwalo fa nako nyana, ye libelela kuezahala, zeo Ni zibisizwe ka kutokomela muzamao wa Moya o Kenile mwahala sicaba fa mayemo ao, mi bona kusina kuziba se si kana sa lifasi, mwabona, kono kubona Moya o Kenile inge u zamaisa zeo. Ni ka li patulula, haiba Mulena alata, ka nako yeñwi ye lukela. Cwale, muhupule, seo si bonisa Mulimu mwahala bona.

<sup>18</sup> Sina yomuñwi, Na lumela, muzwale, eeni, ya bulezi fa nako nyana yefitile, Muzwale Neville na bulezi kuli, “Mulimu, kusina kubala kulyangana kwa—kwa luna mwahala luna, ku sa ipuluka kwaluna fpila Hae.” Kuli muboni ya na i lo talima Isilaele, ni ku ibona ka liito la nama, ni mo ne ibezi ye sina mulao, mo ne ba ezelize ka mafosisa ni kuli ba swanela ku kutiwa. Kono seo bishopu na palezwi kubona neli Licwe le li natilwe lani ni Noha ya Sipi, mwabona, kutisa swalelo. Kacwalo, mwa bona, fani—fani Balami hana talimile Isilaele, na boni libaka la ku ba kuta. Mwabona? Kono Mulimu ha ba talima, A bona swalelo. Ki hali, “U swana sina pizi.” Amen. “Ki mañi ya ka beya sika kaufela mwa nzila ya hao? Litende za hao ki zende cwani, mi ki ze kenile!” Kona mwa na ba bonezi Mulimu cwalo. Mwabona? Isiñi ka nzila ya na ba bona mutu kayona, isiñi ka nzila ye—ye ne ba talima kayona baika ba lituto; kono nzila ya Na ba bona yena.

<sup>19</sup> Mi, O Mulimu, yeo ibe kabelo yaka! Yeo ibe kabelo yaka, kakuli hakuna se Ni na ni kuna se ni kona kuipapata sona. “Hakuna se Ni tisa mwa mazoho aka, kono Ni ka kumalela fea kwa sifapano sa Hao.” Mwabona, kona fela ze luna zeo.

<sup>20</sup> Kihande, wo ki mukopano waka wa litapelo busihu boo, kamba isiñi mukopano wa litapelo, kono se ki sikwata sa evangeli kulo mo. Lu—lu tabela kubeya Linzwi. Mi mwendi Ni tabela kuambola ku mina busihu boo ka mizuzu yelikani. Buñata bwa mina baba tabela kuapula mwa Mañolo. . . Kihande, kana mwa ziba, nto yenca, i kwaluhile handende ku yona, palo yene Ni bata kubala. Eeni, sha. Ki taba yenca. Yani neli Makorinte ba Pili, kauhanyo ya 11, ni litaba zeñwi ze Ni ñozi fa, fokuñwi mwahali mo, zene Ni nahana ka zona, haiba Ni kona fela ku li fumana cwale, mwa Makorinte Bapili, ki—ki—ki kauhanyo ya 11. Ona fa ki ye, ona fa. Eeni, sha.

<sup>21</sup> Cwale, lu si ka atumela kale Linzwi, ha lu atumeleñi Muña lona, mwabona, Yali yena Linzwi, kuli lukone kukupa sishemo ni limbuyoti za Hae halunze lu ituta za Hae Yali yena Linzwi. Ha lu lapeleñi.

<sup>22</sup> O Mulena Mulimu, ya tezi muhau ni sishemo, Ya itakaleza mwahala lusika kaufela, mutu amano eza sibi ni kutisa mukoti tuna wani mwahala hae ni Wena, mukoti wa sa koni kusila hape ili yena. Kaniti na ziyelehile, kulatehela mukwazo, asina nzila ya kukuta ka yona. Kono Mulimu wa . . . yatezi muhau, na itakaleza kubeya sa Kuyolisa mwa sibaka sa hae, ni ku mu kutisa. Seo si tabisize lipilu za kamukana baba Kuziba wena, Mulena, kuli ka lilato la Hao lelituna ni muhau U ngile Za kuyolisa! Mi sina ha lu felize fela ku li bonahalisa, Mulen, li kusona sa Kuyolisa sani fona fo lu yendamezi busihu cwana, kuli Yena Ya na shwezi mwa sibaka sa luna baezalibi, yena Ya kenile Yani yana Ikungezi ku sa luka kwa luna. Ki ku Yena ye lu sepile.

<sup>23</sup> Cwale lutaha kwa Linzwi la Hae ka buitemuho luli, ka lipilu zeinami ni litho, ka buiswalo ni ka likute ni ka buitumelo. Mi ni kupa kuli U lu lumele busihu boo, sishemo, ka Moya o Kenile, mi uka lufa si—si Sinkwa sa Bupilo se lutokwa ku lu tiisa. U ziba hande se lutokwa, mi lu ziba so Lu sepisize kuli haiba lukona kukupa lu ka amuhela.

<sup>24</sup> Lu ka hupula busihu boo, Mulena, kaufela baba ziba kuli ba kula mi ba tokwile, kuli sishemo sa Mulimu si fiwe ku bona ka buñata bo butuna. Mi, Ndate, lu lapelela ni bona baba wile, kuli pumulo yetaha ye i tise kupuzo yeo mwa lipilu zabona, kuli kuzwa ko ne ba banga sapili, mi ba wezi bukaufi ni sibaka sa kutwano ni Wena. Mulimu, lu lapela kuli bakute (lumeleza cwalo, Mulena), bakute kwa kopano, kona kwa—kona kwa Assembly yaba Firstborn, ku kutela ko kuna ni muhau ni sishemo, ni lilato ni sishemo, ni foliso ya mioyo ya luna, minahano ya luna ni mibili ya luna. Lumeleza cwalo, Mulena. Fuyola Linzwi busihu boo. Lu tiise kaufela kamukana luna, mi ulufe limbuyoti za Hao, halunze lu kupa ka Libizo la Jesu. Amen.

<sup>25</sup> Cwale, ka mizuzu fela yelikani Ni tabela kubizeza kutwisiso yamina kwa Makorinte Bapili, kauhanyo ya 11, timana ya 23, ya 24, ni ya 25.

*Kakuli Na ni amuhezi ku Mulena se Ni mi file sona,  
Ki kuli Mulena Jesu mwa busihu bo a betekilwe na ngile  
mahobe:*

*A i tumela, a bu komauna, mi ali, Munge, mi muce: se  
ki mubili wa ka o lobehezwi mina: mu eze seo kuli mu  
ni hupule ka sona.*

*Kamukwa o cwalo a nga sinwiso, mi ha ba se ba lalezi,  
ali, Sinwiso se ki bulikani bo bunca mwa mali aka: mu  
eze seo, kamita ha mu nwa mwateni, kuli mu ni hupule  
ka sona.*

26 Haiba Ni lukela kubiza toho ya taba ye Ni tabela kuswanisa teñi, ikona kuba cwana: *Kuhupula Mulena*. Ku utwahala inge busihu boo . . . kamba liñusa le liswanela ku kutazwa la Sunda ya mafelelezo, fa mulalelo wa Mulena. Kono Ni bata ku i atumela ka mayemo fela ashutani mwa mizuzu yelikani, halunze lu ba ni kunahana kwa—kwa luba hamoho, ni mwa milapelo ya Mulena.

27 Ne lu kakona, eni sha, ku kalisa ka tafule ya Mulena, kakuli sani ki sibaka se sinde koo kamukana luna lu huhupula. *Kuhupula Mulena* fa tafule ya Hae, yeo, mane, palo iswalisana ku yona. Kono, seo kikuli, Paulusi naize kuli luswanela kunwela mwa sinwiso mi—mi ni kunwa kwa—kwa mali, ni kuca sinkwa se si si ka umelwa, mwa kuhupula, kuhupula sa Na lu ezelize. Mi sina—sina ha mu ezize cwalo, ha mu tokwi ku lieza fela sina nto ya sitwaelelo, nti ya zazi ni zazi; mubata kutaha luli, luhupule Mulena. Mwabona? Muhupule ne li muhau wa Hae ni sishemo sa Hae, mi ki zeo fela linosi, ze mi fa sepo fela ye munani. Hakuna taba ka so ka eza fateni, hakuna sika kusili se si kona kutaha bukaufi ni sa na ku ezelize Kreste.

28 Ni bile ni maikuto a utwisa butuku sunda yee, ibo abile amande luli, mo Ni kona ku li bizeza, Ne ni bulukile muzwale ya na pilanga ni luna mo. Mi buñata bwa mina mwa iziba nako yani. Ne li Muzwale waluna yomunde Rogers, Busty Rogers, sina mo ne lu mu bizezanga, Everett. Mi Muzwale Banks Wood fa, ni Muzwale Sothmann, ne luile hamoho kwa sebelezo ya maswabi.

29 Mi—mi Na kwela mota mwa nako ya mbundu, kuya kwa sibaka sa kale kone Ni mu bulukezi kwapili, mwendi selli lilimo ze twenti-faifi kwa mulaho. Nako yani ha Ni mu pumbeka, ne li mwa mezi a sileze, ka Libizo la Mulena Jesu Kreste. Ha ne lu fita bukaufi ni mutano wa kale o zibahala hahulu kwani kwa Totten Ford, Ne ni ambola ni mizwale yana, ni mali, “Zazi leliñwi mukutazi yomuñwi wa kopano na bile ni—ni mwa tende yetuna kwani, mi ali, ‘Simbotela sani kwani kwa keleke ya Baptist, ko ba kolobeza ka Libizo la Jesu Kreste,’ mi ali, ‘haiba mutu kaufela ya kile a kolobezwa ka nzila yeo, hakoni kuamuhelwa mwatasa tende yaka.’”

30 Mi ka nako yani ne ku na ni babañwi bene bainzi fani be ne ba kolobelizwe ka Libizo la Mulena Jesu, mi yani neli Muzwale

George Wright ni lubasi lwa hae. Bona fela . . . Tabu fela ya na ezize ne li ku sa kutela kwateni.

<sup>31</sup> Kacwalo he zazi lani kwa ford, oh, a to zwa fela mwa mukopano mi ataha kwani ku to buha fela ze ne ezahala, mi kopano ya habo ne i yemi fani. Mi se Ni nanuha kuya fa sibaka sani. Mi ne ku bile pula fahalimwa malundu ani fani, mane sileze sa tala mwa sibaka sani, tuabwa twa yona to tu likani twa bayulelamwa nuka yebizwa Blue River mane yaba fela sileze. Na kena mwa mezi, ana ni cikiseza mwa liteka cwana. Mi Na . . . Alimuñwi wa basepahali, kamba madikoni, nitaluse, a ni tambeka Bibebe, mi Na bala fani Pitrosi fa na bulezi ka Lizazi la Pentekota kuli, “Mubake, mañi ni mañi wa mina, ni ku kolobezwa ka Libizo la Jesu Krete kwa swalelo ya libi, mi mu ka muhela mpo ya Moya o Kenile.”

<sup>32</sup> Neli lona lizazi lani leo George Carter na lobezi fani, inza lika kunanula mazoho a hae, na nani fela bukiti kulikana ni lipaundi ze sikisite-bukana, na sa lobezi mwa mumbeta lilimo ze naini ni likweli ze eiti, kusina kushenya. Mi sicaba sa habo, keleke kwa na fumanaha, se bali, haiba mutu akona kutaha kwa mukopano waka, u ka lelekiwa mwa kopano ya keleke yeo. Mi kona kuli ki mo ne kuinezi ona manzibwana aswana ani kuli a foliswa luli kapili. Mi cwale na bata ku kolobezwa sina musizana nyana wa ba ha Nail ya na li kwani; kuli Ne ni boni pono, mi mwa ziba likande, mazoho a hae ni mahutu a colomoka; mi ni kukena mwa pono ni mata a Moya, na mu beya mazoho, mi a zwela fande inza folile. Mi kacwalo ne li wa sikwata se siswana. Kihande, ne li keleke ya Methodist. Mukutazi wa Methodist, Muzwale Smith, neli yena ya na yemi fa likamba ni ba puteho ya hae.

<sup>33</sup> Mi Na kala ku mu kolobezwa mwa Bibebe, ka kolobezo ya Bukrete. Mi ka nako yani Ne se ni kolobelize batu ba faifi kamba sikisi, mi hañi hañi fela mindandwe ni batu mwa mulaini ba ikaba, fahalimu a lilundu fani. Ki seo sikwata sa ba Methodist sa taha inge si shetumuka ni liapalo zabona zende inge ba apezi, ku to kolobezwa ka Libizo la Jesu. Mi alimuñwi ka alimuñwi, likalibe mwa liapalo zende za siliki ni litino za nako ya kucisa, inge ba capwaela mwa sileze sani, inge ba ipukuta lifateho za bona mioko, ni mipende ya fa milomo inge i takuha ka bunolo, kuta kwa—kwa kuba—kuba ni buipuleli ni—ni ku to kolobezwa.

<sup>34</sup> Mi kwa nalulelule ni sikwata sani, muuna ya tiile, wa maheta a bapukile, ni toho ye kukuzwi milili mufuta wa GI kukuta fela mwa matuko, sifateho se si tuna, muuna yana bonahala kuzinda ataha kwani inza apezi suti yende ya mubala wa bundilu. Ki hali, “Nina, hape, ni bile ni keto yaka.” Yani neli Busty Rogers, kusina mutu ku mu bulelela sika kaufela. Kwani Na mu pumbeka ka Libizo la Mulena Jesu Krete, kuya ka buipuleli bwa hae.

<sup>35</sup> Mi sunda yefelile Na mu beya mwatasa bucwani bwa lwanda kwa Milltown. Mi Na kutaza fa kutazo ye li: *Kupetahala Kwa Zuho*. Ni bile muhasanyi wa linzwi, ni boni milimu ye shutana ni

baba itutile zepahami; mi kona fela ze fumaneha ku zona kihona, kwanda Bukreste, zeo ki bu lituto fela za bulapeli, kuli mane ba lumela *se, sani*, kamba *sesiñwi*. Kono Mubupi yomutuna Yana bupile pupo! Ku lukela kuba Mubupi haiba kuna ni pupo. Mi haiba kuna ni pupo, ne i ezizwe ka Mubupi. Mi musebezi wa mutu kaufela u bonahaza yena kasibili. Ki mubeti yomunde, ueza musebezi omunde, u yahile. Mi haiba ki mapangapanga, ueza musebezi omunde. Musebezi wa hao wa ku paka fela. Mi pupo ya Mulimu i bonisa Mulimu. Mi Mulimu na ezize lika kaufela ka mulelo. Mi lika kaufela ze sebeza mulelo wa Mulimu, ha li shwa li na ni zuho. Mu ni bulelele nto iliñwi. Mi Na tisa mwateñi litaba zeñata, sina lipalisa ni likota.

<sup>36</sup> Ni ka mo lizazi li pazulelanga kakusasna, ki mbututu yomunyinyani ya pepwa, ya fokola, mamonyi alona afokola. Mwendi ka teni kiloko, seli mutu mwa bunca bwa hae. Mi ka twelufu kiloko usweli kubenya mwa mata a hae, mwa bunde bwa musali kamba bunde bwa muuna. Mi mwendi ka tu kiloko ya musihali, sa kala ku ba inge na. Mi cwale mwendi ka faifi kiloko ya musihali, sa kala kuba inge bokuku, u ya a lobala. Mi mafelelezo mamonyi a lona a fola mwa lifasi, la shwa. Kana ki mafelelezo ao nji? Li belekile musebezi wa Mulimu. Li hulisize limela za naheñi ha ne li pahama mwa lifasi cwalo. Limela kaufela zekona kuba ze shwile ñohola, li li melisize. Kana kona mafelelezo a lona ao ha se li belekile mulelo wa Mulimu? Li ka yo pazula hape habusa kakusasana, ni bupilo bo bunca! Kota kaufela i ezanga ze swana, lika zeñwi kaufela, kweli, linaleli, libupwiwa za milalambita, ni lisepiso kaufela.

<sup>37</sup> Mi haiba mutu u sebeza mulelo wa Mulimu, kuna ni zuho kupale kumane sina sika kaufela. Nto fela yeo ilukela kueza, ki kuli, Mulimu u ka libelela fela fa nako, inge fela Mwa sweli kulibelela cwale.

<sup>38</sup> Matali amatuna sa wile fela kwa likota, ku tutuleha kwateni, nitaluse. Kokuna ni amafubelu, amatala, amubala wa bundilu, bu puswa, mifuta ye shutana kaufela fahalimwa lizwele lelituna la lifasi, koo ne ku lobezi sibupeho sa Mulimu mwatasi mwani, Mulimu na cezi fela sikocela sa lipalisa za Hae. Kono Wa ziba nako ya Na cezi sikocela sani, kuna ni zuho mwa nako ya mbumbi! Lifasi li na ni kukutela fela mwa muzamao wa lona kufitela li kutela hamoho ni lizazi hape, mi li ka zuha mwa lipalisa za maswabi.

<sup>39</sup> Musike mwa li, “A kona mafelelezo,” kamba matali a ka bonahala bufubelu kwa kota, ha i talusi kuli ki mafelelezo. Taba fela ye si na ni kueza, ki kuli sibaka sa Mulimu si nwele mwahali, kufitela nako ya kutaha kwa Mwana Mulimu. Mi sibupwiwa kaufela se si pila se si kile sa shwa ku Krete si ka zuha hape. Fa Pila Hae, lwa Mu hupula. Oh, ha Ni taha kwa mafelelezo a musipili waka, Ni bata kushwela fa Pila Hae, ku Mu hupula, kuli ki Yena zuho ni Bupilo. Ki yena Yani.



40 Mi halunze lutaha fa tafule ya Mulena. Tafule ya Mulena, sina ha Ni i tatuluzi fa sapili, haki . . . Lu lumela se lu biza kuli “mulalelo” ki—ki ku ca kwa sinkwa se si swana. Lu beya mafosisa—a—a mafosisa. . . Lu beya lika ze lukile mwa sibaka se si fosahalile. Ha ki sinkwa se si na butokwa, ha ki veine ye butokwa, sani ki sinkwa se si si ka umelwa fela in veine. Kono taba yateni ki, kuli, *mulalelo* italusa “ku i kambota,” mi, mwa kuambola ni Yena, lwa Mu hupula. Ni sepa kuli ki nako ye fuyozwi hahulu ya lisebelezo. Mwabona? Hola kaufela ya bupilo bwa luna ilukela kuba mulalelo.

41 Mulalelo ni Mulena u swana sina liweluwelu mwa lihalaupa. Kuswana sina liweluwelu mwatasa kasa, kwani kona koo mu—mu muzamayi ya taha bukaufi, uka yema ni kuinwela mezi kufitela linyolwa la hae li fela. Zeo ki kuhupula Mulena. Kutaha ka mulao silyela la Hae, koo muzamai ya itamaela kuli—kuli a zamaye hande fa lifsi fa ni luna, hamoho, kuli lukone kutaha kwa tafule ya Hae, ni kwani u nwa kwa limbuyoti za Hae mi ni ka muhau wa Hae ni Linzwi la Hae, mwa swalisano kuswalisana ni Linzwi la Hae, kufitela mioyo ya luna ye nyolezwi i kuliswa. Mi cwale lu zwa fa sibaka sa milapelo, inge lu katuluhile, inge kusi hande; ku ya ku yo kopana ni matata a lihalaupa hape, matata a bupilo bwa lihalaupa. Eni, liweluwelu mwa lihalaupa, ku ikatulusa ili luna, ku ikeza luna bañi kuba ni linyolwa.

42 I lukela kuba ni mutu kaufela wa mulapeli. Ki kukuli- . . . Ki kuba ni mulapeli wa niti, zeo ba lukela kuba hamoho. Ku na ni sesiñwi ka za kopano yeli—yeli ya Bupahamo, i laezwi ki Mulimu, mi i kenile, ya kutekeha. Mi baba lukile ba nyolezwi zona.

43 Sina Davida hana ize, kuli “moyo wa hae unyolezwi Mulimu, sina tolo mo ne inyolelwa mezi a mwa kasa.” Puti yenyinyani ye holofezi ye maakanyani a yebuzi litalo makupo, mi li—li zwisizwe ku yona. Mi ya yema, inge i buyana ni kutsalimela. Koo, inge i nunkelela ka lingo zayona za ifile Mulimu, yakona ku nunkelela mezi kwahule limaili koo. Mi ika nanula toho ya yona yenyinyani mwahalimu hainze i lota mali ayona cwalo bupilo inge busweli kuzwa. Mi i ziba, kuli ikona kufita fa siliba sani, kipeto yakona kupila. Hakuna ua kona ku i swala. Haikona fela kufita kwa mezi, ika siya nja kaufela yemukona ku i swakeza mwa mulaho, kakuli i ziba kuli i—i fumani fo ku zwelela bupilo.

44 Mi cwale keleke ha se ifitile fa sibaka seo, fa kuli Kreste u talusa nto yetuna luli ku luna kuli lu ka ba ni linyolwa la kuba Fapia Hae ni mutu ni mutu, ki sibaka ko Kuzwelela Bupilo. Hakuna diabulosi ya kona ku ku fitelela. Neba lifu kasibili li komilwe fani. Oh, ha ki sepo ni yeo! Ha ki sibaka ni seo! Lwa ikatulusa. Mi ka kueza cwalo, lu hupula Kreste kuli nali Yena Ya na lu ezelize zona ka bunolo. Nali Yena ya Na ezize lika ze ka luna, lu swanela ku Mu hupulanga. Kakuli, muhupule, nako yeñwi neluli bayambaeli mi lusina Mulimu, Bamacaba, ne lu icambaelela ni milimu ya maswaniso. Kono, muhupule, Kreste

ha si ka shwela Mujuda, kono ushwezi sibupiwa kaufela sa lusika lwa Adama lo lu wile, Kreste u ba shwezi.

<sup>45</sup> Halunze lu taha ku to Mu hupula kwa liweluwelu la Hae la—la mulalelo, si—si swanela ku lu hupulisa kwa mulaho mwa linako sina Isilaele ha na li mwa musipili wa hae. Mi ba taha, ibo ne li mwa nako luli ya musebezi wabona, mwa musipili wabona kuzwa kwa Egepita kutaha kwa punyuhlo yabona, kuli naha ya sepiso, mi, mwa kezo ya bona luli ya musebezi, ba pila basina mezi. Mi ne ku omelezi mwa maneku a mibonelo kaufela, sibaka, kai ni kai. . .mwatasa lilundu kaufela ko ne ku lukela kuba maweluwelu, ne kusina. Mi ne ba shwela mwa lihalaupa. Mi cwale kwa bonahala Licwe, leo Mushe na natile mwa Licwe le mi kuzwa ku lona kwataha mezi amañata. Muuna kaufela yashwile linyolwa, musali kaufela ya shwile linyolwa, mwana, kamba neba folofolo kaufela ye ne shwile linyolwa, ne i inwela mezi amañata.

<sup>46</sup> Sina Joani 3:16, palo ya gauda ya Bibe, iize, “Sina Mulimu mwa latezi hahulu lifasi, Alifa Mwana Hae wa libanda, kuli kaufela ya lumela (ya lumela, ya ica kwateni, ya ka Muhupula) asike a shwa, kono abe ni Bupilo Bobusafeli.” Muhupule Kreste nali yena Licwe la luna le li natilwe, kuli a pilise lifasi le li shwa, Bamacaba baba shwa, Mujuda ya shwa, lifasi le li shwa. Kreste na file Bupilo bwa Hae ka buñata, kuli mutu kaufela ya na lapa ni kuba ni linyolwa, kwa bulela mupolofita, “Amubone, mutahe kwa sibuba, mu leke ku Na mabisi ni linosi kusina teko.” Mutahe, kakuli ki mulalelo, mutahile ka kupuzo ya Mulena.

<sup>47</sup> Ni nahana za kupuzo ya Mulena hape kwa sibaka sa ku katuluhela, mwa siliba se si bizwa *Beerelakairoi*, ili kutalusa kuli mwa lulimi lwa Siheberu, “Siliba sa Yena yapila mi ya ni bona.” Hagare, na si ka utwisisa, ibo mwa musebezi. Na si ka utwiwa, a atulwa ka silibonda, mane a lelekiwa, asina sibaka kwa kuya, ni mwana hae inza shwela, mi mezi na sa felile mwa botela. Mi mushimani yomunyinyani nasweli kulila fela. Mi ki pilu fela ya mushemi wa musali yekona kuziba se si taluswa ku utwa sililo sa mezi, lulimi lwa mwana ha ne lusweli ku luluha, ni milomo ya hae inge i pazauha, mi mbututu wateni nasweli fela kufokola muzuzu ni muzuzu. Ba lelekiwe, ki bao bainzi mwa nzila ya musebezi wa bona, basina sibaka kwa kuya. Na sa felezwi ki mezi, yena kasibili, kufitela a lotiseza maloteli a likani fa milimo ya mwana ye pazauhile. Mi ni botela se i omelela, mi a i lula fafasi ni kukala kuzwelapili musipili. Mi mwana akala kulilela mezi, mi aba ya fokola ni kufokola; mi ne li mwana hae fela anosi.

<sup>48</sup> Hakuna ku kakanya kono pilu ya hae neisweli kulila inge ali, “O Mulimu, ki sikamañi se Ni ezize? Ki sikamañi se Ni ezize?” Mi na ssa koni kuyema ni kubona mwana inge ashwela mwa mazoho a hae, kacwalo a mu lobaza fela mwa sicacani. Mi fa buima bo bulikana ni lisho ha li kunupiwa, mwendi ka

liñokolwa zemwanda kamba cwalo, mi abona kota yenyinyani, mi musali a kubama fafasi ni kukala kulila. Kakuli na komoka kuli, “Kiñi?” Haiba na ezize ze lukile, kiñi taba ye ha i mu tahela? Linako zeñata lu nahana za matuku a luna ni matata, mwabona, kono mwendi kaufela zona liezahalanga ka kubonisa muhau ni sishemo. Mi na ha sa nahana cwalo, autwa sililo sa mwana ka linzwi le li felelwa ki mata mi ki leo mane la tima, kulilela mezi.

<sup>49</sup> Autwa Linzwi le li bulela mi lali, “Kiñi ha u lila? Kiñi zo lila?”

<sup>50</sup> Mi ki ha talima mwahalimu, mi kiha bona siliba inze si shelauka. Ha ki siliba kwa ku katulusa ni seo! Beerelakairoi, Hakulata ni bulezi linzwi leo ka mafosiswa. B, ma e amabeli, r-l-a-h-a-i-r-o-o-i, le litalusa kuli, “Lisima la Yena yapila mi ya ni bona! Yena ya sa shwi! Melekesede! El Shaddai! Yena yapila mi ni bona, ka kuziba ze ni tokwa, U ni ni hupuzi. Mi kwani Ani hupula sina Ha ni Mu hupuzi, mi Ni ziba kuli Wa pila mi U bonahalile mwa lihalaupa mo, sona siliba see.”

<sup>51</sup> Oh, lwakona ku tamahanya seo mwa liñusa la hola ona fa cwale, la lizazi le cwale, foo mahalaupa a likeleke, likopano, ni—ni bakutazi ba—ba—ba Evangeli ya lisheha sheha hamoho ni—ni mikwa ya lifasi ha se ikeni mwateni, mi i hapile mane ni ku i kaba.

<sup>52</sup> Mi ni ka kunahana kuli kuyemi hape busihu boo, siliba sa Hae yena yapila ni ku ni bona. Zeo kona kuhupula Krete kulukela kotalusa ku mulapeli. Eni. Oh, na si ka utwiwa mi sa leleka. Jesu naize, ha Na li fa lifasi fa kuli, “Kina Mezi apila, Kina Mezi a Bupilo.”

<sup>53</sup> Mi Ni bata kutisa mwateni muhupulo nyana mo o tile mwa muhupulo waka. Mi Jesu ha na likiwa, mi ne si ka libaka lisili kono ka lisheha fela ni lisomo, ka . . . A lumiwa kuzwa ku Pilato kuya ku Heroda. Cwale, Pilato na sa lukeli kueza cwalo, mi, mwa ziba, ha na lika kutapa mazoho a hae mwateni. Kono a sa ba fela mwa mazoho a hao, una ni kuba ni keto ya hao. Ha ukoni ku a kasheza ku mutu usili. Ki wena, ka kuba mutu unosi. Kono Yena, Na lumilwe ku Heroda, kuli fela a—a eze lisheha ka—ka yena, kakuli Na nile ni libizo la muezwi wa limakazo ni zeñwi cwalo, mi Na li mukendwa kwa keleke. Kacwalo Pilato kasibili, a hupula kuli na ka Mu lumela fela ku Heroda, mi mwendi ne li ka felisa toyano ye ne ba bani, mwahala bona.

<sup>54</sup> Mi kacwalo Jesu aisiwa mwabuse bwa mikwakwa kwa ni kwa mwahala libaka kufitela A kopana ni kuta yepahami, Heroda. Mi nako A katana Heroda, mi Heroda na filwe ona kolo yani fela! Ha ki bukuba ni boo mutu mwa kona kubela bati? Kambe Heroda na zibile kuli ya yemi fapila hae ne li mutalelela wa mupolofita kaufela wa Muheberu, ka takazo, linyolwa la lifasi, ya na yemi fapila hae, kutalelezwa kwa muika kaufela ni mupolofita ya kile a bulela sika. Kolo ya ku kulisa pilu ya hae

ya sibi ka muhau ni sishemo. Ha ki muuna kwa bukuba mwa na bezi bati!

<sup>55</sup> Mi mane ha ki bukuba bo bu shutana ni bwa mutu kacenu ya ka fiwa kolo yeswana kakuli lu bile ni lilimo ze likiti zepeli ni kufitelela za lituto za Hae, za sishemo sa Hae. Kono haki—haki nto kwa bukuba ni yeo ya na ezize Heroda nako ya na yemi fapila Hae kono na si ka Mu kupa muhau ni sishemo, na si ka kupa swalelo ya sibi. Na si ka ziba kuli ya nayemi. . . Ha ni sepi kuli muuna yani na lemuhele kuli ya na yemi fapila hae neli Mutu ya cwañi. Ha lu boneñi kuli zeo linwele pili fa muzuzu. Kakuli Muuna yani na si na li—li libizo la bulikani lelituna ka mayemo a sicaba, ka likopano ze shutana ni—ni tutengo, ni zeñwi cwalo, ni za Na fumaneha ku zona. Na si na libizo le li cwalo.

<sup>56</sup> Kono Nana ni, mwahala sicaba babane ba ziba Bibeles ni kuziba sepiso. Mi haluboneñi Ni zwelepili nyana mwa butungi, bona bene ba lemuhezwi kale kwa Bupilo Bobusafeli, ba li lemuha nako ya Na yemi fani.

<sup>57</sup> Kono Heroda na si ka li lemuha, na si ka li ziba. Ha ki nto kwa ku utwisa maswabi ni yeo. Kaufela ze ne ba bulezwi bapolofita ka myaha ye likiti zene, kutalelezwa kwa sililo sa lifasi ne ku yemi fapila hae. Ona fapila hae fani ne kuyemi mutalelela kaufela. Mi Nakona kubulela se hape, lukona ku nahana kuli neli muuna wa sikuba kakuli na file keto ya bukuba, kakuli, mu lemuhe kuli na si ka mu kupa kushemubiwa. Na Mu kupile kuli amu—amu tabise. “Oh, Ni utwile kuli Wena u—u muezwi wa limakazo.” A kupa kutabiswa kufita kuli akupe sishemo.

<sup>58</sup> Leo kona lifasi, kacenu, le li sweli kubonisa keto luli ya Heroda, ha ba bona Krete ya eza limakazo ya eza lika zeswana kacenu za Na eza linako zani, mi lika fela ze ba tokwa, “Halu bone ni ku bone ha ueza sa *kuli-ni-kuli*.” Mu li Heroda na kaba ni sibaka se si maswe fa kuyema? Muuna wa lizazi le ukaba ni sibaka se si maswe ni kufita fa kuyema! Heroda nana ni myaha ye likiti zene ya kutwisiso, bapolofita ni baba butali. Luna ni zelikiti ze silezi, hamoho ni tuto ye ipitezi ku zene banani ka nako yani. Kiniti. Ha ki nto ni yeo! Kona mo kuinezi ni kacenu, ki nto yeswana!

<sup>59</sup> Neli butata mañi? Heroda na si ka iseza kwateni muhupulo mane. Na sika kutumana kuli anahane pili.

<sup>60</sup> Mi cwalo kona mo kuinezi ni sicaba sa kacenu. Ba bona nto yetuna ye, ya ba kakamalisa, kono ha bana kuyema fa nako yetelele. Ba lika kuteeleza ku muluti yomuñwi kamba muituti wa za bulapeli ya lika ku Li tatulula ka nzila isili. Mi kanti, mo Ni nahanela ka za Jeffersonville, kana Ni ka ku bukeleza nako yekuma kai sina nasikuku kwa tuzwinyani twa yona, kono ha ulati. Kana Ni ka mi kubukanya nako yekuma kai? Ni ka nga nako yekuma kai inge Ni eza sibaka—sibaka se koo linaha kaufela likona kutaha, kono ha mu lati. Mwabona? Mwabona?

61 Cwale, mwabona ki sikamañi sa ka hupula Heroda mwa lizazi lani? Kolo ya hae ya butokwa, na i hanile. Mi kwabuse kwani kokuñwi mwa libaka za baba latehile, busihu boo, usweli wa hupula za na ezize zani. Nako se ifelile cwale.

62 Usike wa tuhela kuli zeo libe ku luna. Ye kona nako ya kupotelwa kwa luna. Ha lu hupuleñi Kreste, kuli Wa swana maabani, kacenu, ni kuyakuile, Maheberu 13:8. Musike mwa libelela kufitela libaka zeñwi za kwabuse, mwa sibaka se si nyazizwe, mwa sibaka sani ko mu sa koni kuya Fapila Mulimu, foo mi nako ya hao se ifelile mwa lifasi, mwa busihu bwa lipuku ze sabisa u ka yo hupula no na ni nako kono wa i sinyeza yona. Batu ba sanana ba lemuhe taba ye. Kaufela ha ba lemuhe taba ye.

63 Heroda na si ka li fa muhupulo o butuku. Nako ya hae yena fela, na bata kuli a tabiswe kihona, ni kuli Jesu akone kueza makilikicani cwalo, kunga shakame kuzwa mwa kuwani, kamba, mwa ziba, kamba nto yeñwi. Na hupula kuli U kona kueza cwalo, ka manzwi amañwi, a Li talima fela inge wa mabibo. “Lu utwile kuli Ukona kueza mabibo. Halubone kifo Ni Kubone u ni bonise kwateni makazo iliñwi cwale.”

64 Mi Ni bulele cwana ka likute. Kono ki linako zekai zeo bakutazi ba lizazi le ka mo ba ipizeza, ba bulezi kuli, “Haiba kuna ni Moya o Kenile, haiba u lumela kuli Moya o Kenile uswana fela sina mo ne uinezi kwa simuluho, tuhela kanti nibone ha u ka nga mukete wa *Kuli-ni-kuli* atahe kwanu, kamba se, oh, muuna *yo* atahe kwanu, musali *yo* atahe kwanu. Ni ka yo linga. Ni bonise kwateni makazo iliñwi.”

65 Kana ba lemuha kuli wani ki moya o swana (batili, ha ba lemuhi) yana bulezi ku Jesu kuli, “Haiba ki Wena Mwana Mulimu, unge, eza macwe aa kuba sinkwa. Haiba ki Wena Mwana Mulimu, lu bulelele ya Ku natile fa toho. Haiba U Mupolofita, lu bulelele ya Ku natile,” ni lisila kwa sifateho sa Hae. Ba Mu nata kwa toho, mi ba cincana kota ku yomuñwi ni yomuñwi, bali, “Lu bulelele, haiba U Mupolofita. Lu bulelele ya Ku natile, lu ka Ku lumela cwale. Lu bulelele, haiba ki Wena Mwana Mulimu. Lwa sepahala mwa lipilu za luna. Haiba ki Wena Mwana Mulimu, tuluka fa sifapano mi lu ka lumela kuli ki U Mwana Mulimu.”

66 Hani zibi haiba batu babañata kacenu, bubeli bwa baana, basali, banana ni babahulu, ha ba yemi mwa sibaka se si swana sani. Mi u ka hupula, zazi leliñwi, kuli no li Fapila Hae, fa Liweluwelu la Hae; mi na bata kubona mabibo, kamba na bata kubona makilikicani kambanto yeñwi, “Seo si ka ni konisa ku Li lumela. Ni bata kuli ni njanje mwa mukokoto waka, mi halubone ni eze se kamba *sani*, Ni ka Si lumela.” Mwabona, maikuto amañwi, ki bulapeli bwa maswaniso patalaza! Ha lu bone nibe. . .

<sup>67</sup> Mwa ziba, Jesu naize mwa sibaka sesiñwi, Na buzize puzo. Niabela kubuza keleke puzo yeswana busihu boo. Jesu ki hali, “Kiñi? Kiñi? Kiñi so Ni bizeza ‘Mulena,’ hao kanti ha u ezi ze Ni ku laezi kueza? Kiñi so Ni bibeza ‘Mulena,’ ibo ha u buluki Linzwi la Ka? Kiñi so Ni bizeza ‘Mulena,’ ibo u latula lika ze Ni ku laezi kuli u kutaze ni kuluta?” Kinto mañi yeo? Kiñi ze eza seo? Ki mukwa wa kuli sizo s kopano yeñwi si yemi mwahala bona ni Linzwi. Mi sika kaufela se si yema mwahala mina ni Mulimu, ki kalimu, si lwala sibaka sa Mulimu. Ki kabakalañi ha u biza kuli “Mulena”? *Mulena* italusa “buzamaisi,” Mulena ki muña sibyana. Mi haiba Mulimu ki yena muña ka, haiba Na ni wa Hae, mi Ani fetula zazi leliñwi ha ne Ni li kwa neku lelimeswe la nzila, mi a ni biza ka mulelo, ki sikamañi se Ni lukela kueza kwanda kutaleleza takazo ya Hae, sina mwa Na ezelize ku Paulusi. Ni kona kueza cwani sika kaufela kwanda kubuluka Linzwi la Hae? “Kiñi ha mu Ni biza kuli ‘Mulena?’”

<sup>68</sup> Ni bata kubiza mutu yomuñwi fa, ni mubone ka yena. Kucwani ka Judasi, sa na ni ku Mu hupula ka sona? Lu bulela ka za kuhupula Mulena. Judasi busihu boo ni, oh, kufitela ha sa shwile, ukana a hupula kuli na lekisize tukelo ya kupepwa kwa hae. Na lekisize Jesu ka za buitati bwa hae. Lwa sheununa Judasi. Lu bulela kuli nali ya masila, mutangana ya maswe, ha swaneli fa sibaka kamba silalo sifi kaufela, ha swaneli kwa Lihalimu. Kiñi? Na lekisize Mulena hae, kasamulaho a mano ba ni kolo ya kuba—kuba mulutiwa, kuba muapositola, pizo yetuna hahulu mwa Bibe, yepahami kufita mupolofita. Nana ni kolo ya kub amu—kuba mu apositola, kono a lekisa sibaka sani ka buitati fela. Mi cwale una ni kuhupula seo. Kona mwa hupulela Jesu cwalo: buitati bwa hae.

<sup>69</sup> Mi Na komoka hani zibi haiba ki babakai ba bona busihu cwana baba yemi fa katala, kono ba tina mukango wa ba kwaya, ba sa inzi mwa sipula sa bu dikoni, kamba kunga sibaka sa mubuluki wa sikwama, musepahali, kamba kaufela sa kona kuba sona, situlo sa hae mwa keleke, kamba mukutazi fa katala, kono niteni ukana alekisa kolo ya hae kwa tumbo ya hae fela, “Dokota, Bishopu wa *Kuli-ni-kuli*,” ka tumbo ya hae fela, bufumu bwa buitati.

<sup>70</sup> Muuna yomuñwi naize kuna nako yeñwi, “Ni lumela kuli yeo ki Niti. Kono hane Ni ka kutaza cwalo, Ne ni ka kupelela mwa mikwakwa.”

<sup>71</sup> Kana mwa hupula mufumi ni Lazaro, mafelelezo a bona ni kalulo ya Kuyakuile ya maungulo fo ne i yemi? Nihaike alimuñwi nana ni. . . neli mukunyandela, mi yomuñwi neli muuna wa mufumi, kono siswaniso sa cinca zazi leliñwi mi bubeli bwa bona ba be bahupula. Kacwalo, sicaba busihu boo si huwaka ka za Judasi kuli na Mu lekisize kwa bufumu bwa hae fela, mi babañata baeza zeswana kacenu, ba Mu lekisa ka ze ba bata za buitati.

<sup>72</sup> Muprisita wa mazazi ani ni yena hape u ka hupula kuli na lekisize kolo ya hae ka Yena, kolo ya hae yakuba mutanga Hae, ya kuba mulutiwa wa Hae, kuba yafetuhezi ku Yena. Ba li lekisa ka muna o maswe sina nyoko. Ne ba utwela muna Tuto ya Hae. Kiñi, ha Na li fela wa lilimo ze twelufu za kupepwa, Na ba omanyaka nzila kaufela; mi bapalelwa ku li lemuha, yani ne li Mesia. Ne ba sa koni kuezwa lika zeswana za na eza Yena. Mi ne ba saba kuli ba ka latehelwa ki kabubo kabona fapila batu babatuna-tuna ka likute, mi balekisa kolo yabona. Mi ni bona bana ni mulatu fela mane inge Heroda mwa na bezi.

<sup>73</sup> Ni membala wa keleke kacenu kinto yeswana. Haiba a sepa mwa likopano za hao ni zeñwi cwalo, mazazi ani, mi na saba kabubo ka—ka bona, ne ba ka ba leleka mwa masinagoge, neli sikamañi sani? Ne li bulapeli bwa milimu! Kulapela tuto ya milimu kamba bulapeli bwa keleke, kufita kuamuhela Linzwi le li pila le ne li bonahala fapila bona.

<sup>74</sup> Mi ba bona Linzwi la Mulimu. Bibelee iize, “Lu Mu boni mi lu Mu sweli.” Batu ne ba sweli ka mazoho, Linzwi la Mulimu le li bonahali, lelipila ka bupilo tenyene; ni kutuhela lizo ni lituto za litumelo kuyema mwahala zona, kutapisa lipoto ni lipani, nto ye masila cwalo iyeme mwahala bona ni Mulimu yapila. Eeni.

<sup>75</sup> Neli sikamañi sani? Neli fela minahano ya buhata. Ne ba i kambusa ka buhata kwa kukena kwa Hae, Mañolo a utwahala hande a Evangeli a Na sweli kuluta, Linzwi la Ndate. Ne ba Mu utwela muna. Ne ba na ni maikuto a buhata ka Yena. Mi haibile fela ba sa hupula fela, zeo mane, neba mwa lihele ba ka yo hupula, kona mo ba ka yo hupulelwa. Kona mo ba ka Mu hupulela.

Mu li, “Oh, bani neli Bafarisi.”

<sup>76</sup> Kuna ni kalibe yomunyinyani yana tahanga kwa keleke ye. Oh, Na sepa mwendi buñata bwa mina mwa mu ziba, upila mwa mukwakwa bukaufi ni makululu. Na sa wile. Mi nako kaufela ha Ni mubona, wa ni matelanga, ni ku ni swala mwa lizoho, “Muzwale Bill, ni lapelele kwateni. Ni wile mwa tumelo.” Muuna hae ki . . . Batili, Ni sepa kuli bapila fahalima a mukwakwa wo kwanu. Ni muboni mwa Moya, ni boni Moya wa Mulimu kuyena, ni kubina kwa hae, kunyakalala, ni zeñwi cwalo. Mi na wile mwa tumelo. Mi na lobezi mwa sipatela cwanoñu nyana kulo kwanu, inza shwa, kona mo ne ba hupulela. Mi ani lumela kuli ni to mu lapelela.

<sup>77</sup> Yena ni muuna hae neli babande luli ku musala ka, fani musalaka, yena na li musizana ya bonahala bwanana, ya pazauhile, kwa sifateho ni masila, mi ne ba mu lekelanga ndelezi yenyinyani kamba nto yeñwi fa ni fa, ku mu tusa kuya kwa sikolo. Hakuna taba kamba ki yenyinyani cwani, hamukoni kuezwa nto iliñwi ku Mulimu kaufela yena Uka i hupula. “Ona

mo mu ezelize ku babanyinyani ba Ka, mu ezelize Na zeo.” Mi sina sinkwa fa mezi, li ka yo kuta.

<sup>78</sup> Ne ku lobezi yena musali yomunyinyani yo, wa mubotana yani, ya wile, inza lila, inza swalelezi lizoho laka. Mi yena . . . Na li, “Kihande, kezeli, Nika—Nika ku lapelela.”

<sup>79</sup> Mi ya na lobezi fa mumbeta otatama ku yena neli musali ni mazoho a putilwe, inza ni talimela. Ni mwana hae wa mushimani inge ainezi kwa matuko a hae, mwendi wa lilimo ze masumi amabeli, na bonahala inge mangulunde ba kacenu ba maricky baa.

<sup>80</sup> Kacwalo, ha ki ku shwaula haiba kuna ni yana ni libizo la Ricky, kono Ni talusa kuli sani ki . . . ha mu si ka utwa kale libizo le li cwalo mwa mazazi afelile. Elvis ni Ricky, mi ki libizo fela la lusika lo, mwa bona. Haiba muna ni mwana ya bizwa cwalo, leo libe libizo la bubeli, kacwalo, kamba mu mu cince libizo.

<sup>81</sup> Mi cwale ha na inzi fani inza bonahala cwalo, na mu talima, mi Na kalisa kuinamisa toho yaka, mi Na mubona inza bonahala luli . . . Ki hali, “Libelela fa muzuz! Hoha lisila leo!”

<sup>82</sup> Na li, “Ne ni bata fela kulapelela kalibe. Kana—kana ha u mu—mu mulumeli nji?”

<sup>83</sup> Ki hali, “Ni ka ku bulelela cwale, luna lu ba Methodist, mi lubata kuli u wise lisila leo!”

“Eeni, ima,” mi Na hoha lisila.

<sup>84</sup> Mwabona, ki nto yeswana. Ki nto yeswana ni kacenu, ki bupumi fela! Kana na zibile cwani mufuta wa mukutazi yo ne Nili yena? Ne ni si ka bona kale musali yani. Kono yena kaniti na sa utwile mutu yana bulela kuli Ne ni lumela mwa foliso ya bakuli, mi na lutilwe kulwanisa zecwalo. Na sina sa kueza ni yona, a tapa kwa mazoho kuzona. Na saba kuli ne li ka mu wela. Musike mwa bilaela, halina kuwa, ni yena Pilato na likile ku litapa mwa mazoho a hae.

<sup>85</sup> Cwale, zeo ha ki kubulela nto isili ye swabisa ka za sicaba sa Methodist; yani neli fela musali alimuñwi. [Hakuna manzwi fa tepu—Mu.] Mwabona? Ikona kuba fela mubonelo wa hae. Hani sepi kuli batu ba Methodist kaufela bakona kuba cwalo, kakuli Ni lapelezi babañata ba bona. Ba ni bizanga kuli ni ba lapelele, mi lisupo ni ze komokisa li ezizwe mwahala bona. Ha ki batu baba mwa likeleke zani; ki mulao obali ku ona, sani kona se si eza lika. Kono yena nali alimuñwi wa mufuta wani. Neli sikamañi sani? Sifanu sa mubala wa butala inge nyoko mwa meto, muna otezi wa diabulosi luli.

<sup>86</sup> Ne ni ka bulela nto yeñwi. Kwa—kwa mukopano omuñwi o no liteni mwa muleneñi mo nako yeñwi, mi ba buza kuli kiñi ha ne ba si ka ni bizeza teñi. Kono Ni ka fitelela fela zeo kakuli Ni fa lapa. Kono, mi kanti he, hakuna libaka, ki muna fela, ki tuto ya litumelo, ki bulapeli bwa maswaniso. Ka mo lu latela ku



swalanela mazoho ku mañi ni mañi, kono ha u ketululwa . . . Jesu nabata kueza cwalo. Muhupule, zazi leliñwi ulukela kuhupula cwalo. U lukela kuhupula cwalo.

<sup>87</sup> Si ni hupulisa fela bupaki bo ne bufilwe cwanonu nyana fa. Mukutazi, mi na pahami fa sikwepe inge apahama, ona kwanu mwa muyaho wa Heyburn Building. Mi nekuna ni baana babalalu bene ba yemi ni mukutazi yo fa—fa sikwepe, mi neba—neba sa zibi kuli muuna yo neli mukutazi, Na sepa ne ba sa zibi. Mi hane ba ya bakambama cwalo, kaufela ba yo yemela fa ofisi ya bu eiti. Mi muuna yomuñwi atalimela ku mukutazi, mi ali, “Wa ziba kana? Fa seli bukaufi fela ni Lihalimu sina mo lu kona kubela.”

<sup>88</sup> “Kihande,” mukutazi ali, “Na—Na sepa u bulela niti. Ni—Ni sepa kuli ubulela niti, ibile fela lu sepa mwa bunde bwa luna, se si sutelezi hahulu kuya ka mo lu kona kubela.” Yeo ki niti. Ibile fela u sepa mwa lika zo eza, u hupula so ezize. Mi Ni ziba hande kuli buñata bwa luna hakuna se lu ezize, ha lu swaneli sika kaufela. Ali, “Ni sepa kuli haiba lu sepa mwa misebezi taluna, ona fa kona fo lu kona fela kufita kihona.” Kihande, haiba lu sepa, kona fela fo lu ka fita ona foo.

<sup>89</sup> Kono, oh, Ni tabela kubulela nto yeñwi. Haiba Ni kona kulibala sene Ni li sona, ni kuhupula seo ali sona Yena, haiba Ni kona kuhupula Jesu, haiba Ni kona ku Mu hupula fa sifapano, haiba Ni kona kuhupula Sa ni ezelize, mi Ni hupule hola ya Na tapisa libi zaka, ni ku nifa Moya o Kenile kuli uni zamaise, kona kuli Ni nanuhezi mwahalimu a lika kaufela ze sweli lifasi lee. Ni nanuhezi fahalimwa lika kaufela za lifasi, kukena mwa libaka za Mahalimu ku Krete Kesu, koo Ni kona ku kopana ni Yena. Fani Fa Pila Hae, ni libala kaufela ze Ni kile na ba zona, kulibala libi zaka kaufela ni lika kamukana, kakuli li mwa Liwata la Kulibala. Kulibala za kale zaka kaufela, kulibala lika kaufela, ni kuhupula kuli U ni ezize kuba wa Hae Tota, ka lifu la Hae Tota. Na ngile sibaka saka. Mi Na yana sina tukelo ya kuya kai kaufela konji kwa lihele, Anga sibaka sa ka ni ku ni nanula kuzwa mwa lihele. Na ni yezi kulo kwani. Mi Ani nanula ka muhau wa Hae omutuna, kufitela cwale se lu li bana babashimani ni basizana ba Mulimu, mi luinzi mwa libaka za Mahalimu ku Krete Jesu, lunze lu nyakalala kamita ni kuhupula Yena Ya lu tizize kufita faa. Mi ka kuba ni tumelo ye buyela mwa mioyo yaluna, inze i lu hapeleza, ni ka muhau Uka ni fitisa kwapili.

<sup>90</sup> Mi ka meto a tumelo Ni bona Mañolo a Hae inza talelezwa, “Kaufela B’a izibezi bona pili, U ba bizize; kaufela ba Na bizize, U ba ezize baba lukile; mi kaufela Ba ezize baba lukile, U ba file kanya.” Kabakaleo ka se mwa hupula waka, Ni yema mwa kopano ya sicaba, ko kuna ni Moya wa Mulimu, mi ba nanuzwi kuina mwa libaka za Mahalimu ku Krete Jesu. Kulibelela hola yeo sibupeho se sa bupilo bwa butu se si na ni pilu yenata, mi ili ye lukela kuyo tuhela zazi leliñwi, ha se i cincizwe ni kufiwa pilu

ya Moya ye ka yo naya kamita mwa linako ze sa tuheli kufitelela fani, kusina matuku, kusina maswabi, kusina kusupala kamba kusina sika kaufela.

<sup>91</sup> Muhupule Jesu. Silubelo ha si kala kuoma mwa ndu, mi ha kusana bupi, uhupule Jesu. Mi dokota ha bulela kuli hakuna kolo hape, uhupule Jesu. Diabulosi hasweli ku ku lika; halunze lu opela pina ya kuzwa ka yona, “mi miliko ha i lu tahela, bulela Libizo leli Kenile lani mwa tapelo.”

<sup>92</sup> Muhupule Jesu, munze muhupula kuli Uka taha hape. Yena Jesu ya swana yana zusizwe ku luna uka kuta hape ka mukwa o swana sina ha lu Mu boni ha ya kwa Lihalimu ka ona. Muhupule, Uka kutela ba bali ba Hae Tota.

<sup>93</sup> Halu lapeleñi, mi litoho za luna inge li inami. Mi ni lona Liñusa nyana le li lobakehile le niteni mwa pilu ya hao, kikuli utabela kuli Yena a ku hupule cwale? Haiba utabela cwalo, nanula fela mazoho a hao, mi ni nto yeñwi yende, “Mulena, ni hupule.” Sina muloki ha naize, “Uni hupule mioko ha i buba.”

<sup>94</sup> Ndata luna Ya Kenile Kufitisisa, lu ikozi hahulu Kubateni kwa Moya o Kenile, sina Ha bonisize ku luna Linzwi la Bupilo, sina ha lu hupula musima o lu zwisizwe ku ona mi cwale lu zusizwe mwa musima wani ni ku bupiwa mwa bana ba Mulimu, ka sishemo sa Jesu Kreste. Na Mu hupula, fani dokota ha ni talima kwa sifateho mi ali, “Ki mizuzu fela yelikani kihona,” Na hupula Jesu. Ni hupula Jesu, hane Ni li kwa katala inge ni lilela sishemo mi moyo waka ha ne u filikani, Na hupula mutiyo o no ni siile. Jesu na ngile mutiyo waka. Likweli nyana zefitile, ne ni inzi fa sipula, inge ni talima muyengo wa tobolo, kuli ni kunupe fo ne ni nongile, mi Satani hakulata na nahanile kuli, “Ye kona kolo yaka cwale.” Mi cwale tobolo ha i to panca, mi muyengo ni siswaliso ni tobolo kaufela za cancauka kuhasana maneku kaufela, mi mulilo wa fufa kai ni kai kunibeya mwahali, mi Na lika ku nanula mautu aka, mali inza izwela fela, Na hupula kuli neli Jesu. Fani mualafi, hana talimile ni kubona kuli nekusina kolofalo, ki hali, “Taba fela ye Ni ziba, ki ya kuli Mulena na lukela kuina fani, hape, inza sileleza mutanga Hae, na lukela ku cancaulwa mwa liemba emba ka kupanca ko kucwalo.” O Mulimu, mo lu hupulela lika zani kaufela!

<sup>95</sup> Lu taha kwa Siliba se si feti Mali, azwile mwa misinga ya Emanuele. Lu fuyole, Mulena, hamoho busihu boo. U ziba mu—mu mulelo ni mukwa o li mwa mulaho wa pilu kaufela ye nanuzi lizoho. U ziba takazo ni butokwi. Mi kakuba mutanga Hao, Mulena, Ni—Ni taha ni bona, mi—mi kuzwa mwa tabernakele ye cwale (ka tumelo) lu ya, ku fitelela malu ni kweli, ni linaleli mi ni—ni mulalambinda nzila ya linaleli zesweu, mi cwale lu fita Fapila Mulimu. Ni fapila ka kuna ni aletare ya gauda, teñi fani kuna ni Sitabelo se lu hupula, Jesu, yana ize, “Mukupe fela kaufela ku Ndate ka Libizo la Ka, Ni ka—Ni ka mi alaba.” Usike wa lumeleza kuli tumelo yaluna ifele, Mulena, kono lukonise

kuhupula kuli lu amuhela ze lu kupa, haiba lu lumela, sina ha lu hupula kuli Jesu na shwezi ku lu bukeleza ni ku lu kondiseza lika.

<sup>96</sup> Mulena, lu bona kuli U sweli ku ekeza kwa muyaho wa luna. Ki Wena ya na lu ezelize se, ya na lufile kekezo ya keleke. Mi lu ziba kuli neli Wena, Mulena, Yana lu file keleke kwa simuluhu. Lu lapela kuli U fuyole kuikataza kwa.

<sup>97</sup> Mulena, lu lapelela mulisana wa luna, Muzwale Neville, mutanga Hao ya ishuwile mi ya musa, mutanga ya sepahala. Ya itakaleza kusebeza mwa likalulo kaufela, hakuna taba kamba ki mwa sipula sa kwa mulaho kamba ki ku fiyela mwa keleke. Kaufela Ko ka Mu tokwa, teñi koo ubata kuli abe ya sebeza katata, kuli a Ku sebeleze kaufela Ko ka biza. Lwa lapela, Mulimu, kuli—kuli U mu fuyole.

<sup>98</sup> Mulimu, ona muliko tuna wo o Ni sa zo fita ku zona, ni basepahali bani bene ba yemi bukaufi ni na, mi ni keleke ye yene—yene ni lapelela, mi mafelelezo tulo ya taha. O Mulimu, Na ba lapelela. Na ba hupula, nina, Mulena, mi Na sepa Wa ba hupula.

<sup>99</sup> Lu hupula limbuyoti zeo U bile ku luna. Mi lu hupula Linzwi la Hao, kuli ha Una ku lusiya kamba ku lu yaya. Busupali habuna kuba ni sa kueza, U sa lu hupula, foo lifasi halisike kuba teñi mi nako i ka felela mwa Kuyakuile. Ku ñozwi nto yeswana sina cwana, “Kana me aka libala mwana yasweli ku anyisa? Ha ni koni ku mi libala. Mu beilwe mwa mazoho a Ka,” limapo ze lamatiselize mabizo aluna. Lu ziba kuli Wa lu hupula, Mulena.

<sup>100</sup> Mi Wena ube kamita mwa likupuzo za luna zelateha, kakuba Mupulusi wa luna, Mufolisi wa luna, Mulena luna, Mulati wa luna, Bupilo bwa luna, Lizazi la luna, Kaufela mwahala lika Kamukana, wena sibuba sesi sa kali sa sishemo sa Mulimu ni lilato ku luna libupiwa zewile za lubasi lwa Adama. Lumeleza cwalo, Mulena, halunze luipa ili luna ku Wena cwale, ha luzwa mwa tabernakele busihu boo cwana, lu hupule Jesu. Amen.

<sup>101</sup> Kana mwa Mu hupula? Mwa Mu lata nji? [Kopano ili, “Amen.”—Mu.] Cwale Na sepa, mwa Liñusa la luna le li lobakilwe, lwa kona kubulela cwana. Paulusi naize, “Kaufela se lueza, lu si eze ka Moya.” Mwa lika kaufela lu swanela ku Mu hupulanga. Lusike lwa eza buiketelo kufitela lu Mu hupula; lusike lwa eza sesiñwi, kakuli ikaba za kuakufa. Haiba sila si sinata leliñwi la lilama, ha lu hupuleñi sa Na luezelize lu si ka mu bakula kale mutu yoo. Ha lu hupuleñi kezo ya Hae. Haiba kuba ni keto ye eziwa, ha lu libeleleñi, muhupule mufuta wa keto ye lueza ha lu nahana kuli U ka eza lika, kona kuli yeo ibe keto ya luna. Haiba lu ba mwa putako, ha lu hupuleñi kuli Na si ka ba mwa putako yena. Mwabona? Haiba luba mwa kuikalelwa hahulu, muhupule kuli Yena upila mwa Kuyakuile,

nako haitalusi sesiñwi ku Yena. Ki mulelo ni maikuto a pilu za luna. Ha lu Mu hupuleñi.

<sup>102</sup> Mi ha lu Mu hupuleñi cwale halunze lu opela pina ye mwa Moya wa Kubateni kwa Hae, *Na Mu lata*. Haiba mupila mwa lilato, mu pila ku Mulimu, kakuli Mulimu u lilato. Baba pila ku Mulimu ba pila mwa lilato. Mwabona? Mi lilato halina sitoyo. Lilato ha lina muna. Lilato ha li na buikumuso. Lilato ha li kangabeki. Lilato kamita la i shuwa, ki lelinde, la swalela, lina ni musa. Hakuna taba kamba babañwi ba buhali cwani, lilato li siyala linosi. Lilato kona mayemo a muhau. Lilato kona mayemo a Mulimu a luna. Kasumulaho limpo zeñwi kaufela ni lika ha se li felile, bupolofita bwa luna, malimi a luna, litolo zaluna, kaufela ze lukile lwa eza, kamba sikamañi kaufela, lilato la litaha mwateni, kona mafelelezo. Li fahalimwa lika kaufela, kakuli zeñwi ze kaufela za fela. Kono ki—ki buiketelo bwa Kuta Yepahami. Ki Sitoli. Ki Naleli ya kwa Mutulo ye buluka muuna wa sisepe hande. Ki Masupeza nzila a lu zamaisa. Lilato kona meyemo. Halu hupuleñi sina ha lunze luopela kuli, “Na Mu lata.”

Na Mu lata, Na Mu lata  
Kakuli U ni latile pili  
Ni kuleka puluso yaka  
Fa kota ya Kalvari.

Na Mu lata, Na Mu lata  
Kakuli Yena pili . . .

Cwale muhupule, “Na ni latile, ni kufa Mwana Hae.”

Ni kuleka puluso yaka  
Fa kota ya Kalvari.

<sup>103</sup> Cwale kezela luna hanza lu lizeza pina ye . . . [Muzwale Branham wa ñuñuna *Na Mu Lata—Mu*.] Halubeñi fela mwa kutwano yende, halunze luinzi hamoho mwa libaka za Mahalimu ku Krete, cwale aku zwise kaufela, lika kamukana mwa pilu ya hao. Mi muhupule, Linzwi la Mulimu li bulezi ona cwalo. Na ni mutanga Hae. Uteni mo. Cwale ha lu swalaneñi fela mwa mazoho ni yomuñwi, ni kubulela kuli, “Mulimu aku fuyole, muzwale.” Haiba una ni sila, yema u ye ku yena, mwabona, “Mulimu aku fuyole, muzwale,” halunze lu opela makutelo hape ni kuswalana mwa mazoho mañi ni mañi. Kikuli hamuna kueza cwalo cwale, hamunati luli mwa Moya.

Na Mu lata, (Mulimu aku fuyole, Muzwale  
Roy). . . na Mu lata  
Kakuli . . . u ni latile pili  
Ni kuleka puluso yaka

. . . ? . . . Ni mazoho aluna mwahalimu cwale.

Na Mu lata, Na Mu lata  
 Kakuli . . . (Muhupule Jesu!)  
 Ni kuleka puluso yaka  
 Fa kota ya Kalvari.

<sup>104</sup> Cwale ha lu inamiseñi litho zaluna ni ku i ñuñuna.  
 Kuhupula Jesu!

. . . uni latile pili.

[Muzwale Branham wa ñuñuna.]

<sup>105</sup> Cwale sina kezela luna hasweli kuliza, ha munati ni ka kubunolo, Ni ka kupa kuli muzwale waluna yomunde . . . Muzwale Neville, una ni linzwi lo bata kubulela, sika kaufela? Ku lukile. Ni ka kupa Muzwale Collins kwa mulaho kwani, muzwale wa luna ya ishuwile, muzwale yomunyinyani mo, alimuñwi wa balikani, haiba uka lu lukulula mwa tapelo. Halunze lu inamisa litho za luna, Muzwale Collins.



*KUHUPULA MULENA* LOZ62-1209

(Remembering The Lord)

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda manzibwana, Ñulule 9, 1962, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2023 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)